



UNIVERSITÄTS-
BIBLIOTHEK
PADERBORN

**Conradi Oligenii J. C. Dissertatio De Primariis Precibus
Imperialibus**

Corradini, Pietro Marcellino

Friburgi Brisgoiae, 1707

LXXV. Literæ Clementis XI. Capitulo Hildesheimensi contra Preces
Imperatoris.

[urn:nbn:de:hbz:466:1-63022](https://nbn-resolving.org/urn:nbn:de:hbz:466:1-63022)

mens, & voluntas non solum non concurrit, sed est contraria. Quamobrem etiam juxta sensum Wagnareckii, ejusque sequacium, Augustissimus Imperator in hoc statu nullum prorsus reperire poterit cordatum & catholicum virum, qui ejus primarias Preces probare possit: & Ordinarii sunt constituti in positiva mala fide, & sine læsione libertatis Ecclesiasticæ, & incurso pœnarum in septima Synodo inflictarum, nequaquam hæc Preces exequi valent. Precistæ verò, quibus vi Precum Beneficia conferri contigerit, erunt intrusi manu laicali; fructus suos facere; electionibus Canonicis, & Capitulis rite intervenire, & spiritualia administrare non poterunt: quin neque communicare cum aliis, juxta Canonem septimæ Synodi sæpius relatam. Quare quot pericula animarum, quot scandala, & quænam injuria Ecclesiasticis titulis ex prædictis Precibus timeri jure optimo valeant, facile est ex his intelligere.

Quod Sanctissimus Pontifex CLEMENS XI. hæc, & majora considerans, hæc Preces sine indulto Apostolico è Vaticano irritas pronunciaverit, patet ex ejusdem literis nuper mihi Roma transmissis, & datis ad inclytum Capitulum Hildesheimense, in hunc modum:

VIXI
 IX
 quædam
 rationis præces
 restant

LXXV.
 Literæ CLEMENS XI.
 Capitulo Hildesheimensi
 contra Preces
 Imperatoris.

Dilectis filiis Capitulo, & Canonicis Cathedralis Ecclesie Hildesheimensis.

CLEMENS PAPA XI.

Dilecti filii salutem &c.

AVenerabili fratre Julio Archiepiscopo Rhodiensi, nostro ad Tractum Rheni Nuncio agnovisse vos arbitramur, nullum penes Cesaream Majestatem residere jus dirigendi Preces primarias, eoque minus sub comminatione poenarum, quarum vi Precum possint commendati Beneficium primo vacaturum, aut quod eis magis libuerit, in qualibet istarum partium Ecclesia assequi; cum tamen nihil tam à jure, & à canonicis sanctionibus abhorreat, quam laicae potestati fas esse Ecclesia Praesules, vel illos, ad quos pertinet, incusso poenarum timore, ad conferendas taliter a se commendatis Ecclesiasticas Praebendas, aut alia Sacerdotia, compellere. Quod sane assertum jus, nisi forte Apostolica auctoritate sit fulcrum, ut nullibi locum habere potest, ita peculiari quadam ratione obtinere nequit in Germania partibus ob nota satis Concordata inter felicis recordationis Nicolaum V. Pontificem praedecessorem nostrum, & clarae memoriae Fridericum III. Imperatorem, inclytamque istam Nationem solemniter inita, in quibus ni-

nil tam accurate sancitum est, quam ne
 libertas electionum, & collationum in men-
 sibus tam assignatis Capitulis, ac Ordina-
 riis Collatoribus, quam ipsi Pontifici,
 ejusque successoribus reservatis ullo unquam
 tempore ledatur; nulla tamen ibi asserto-
 rum Imperialium jurium mentione facta,
 aut ratione habita, cum alioquin satis ma-
 nifestum sit electionum, aut collationum
 libertatem cum primariis Precibus, que
 eam prorsus evertunt, consistere non posse.
 Quod si idem Fridericus, & qui eum sub-
 inde consecuti sunt Imperatores ante tem-
 pora clara item memoria Leopoldi nuper
 defuncti primarias Preces direxerunt, id
 contigisse constat, quia illi omnes post sui
 confirmationem a Romano Pontifice obten-
 tam, muniri Apostolico indulto curarunt:
 quo quidem indulto quoniam destitutus erat
 idem Leopoldus, factum est, ut primarias
 Preces, a quibus ipse non abstinnit, ad-
 mittere, & executioni demandare Episco-
 porum, ac Prasulum, necnon Capitulo-
 rum Germania non exigua, neque contem-
 nenda pars, libertatis hujusmodi memor, &
 acerrima custos, detrectaverit. Quae cum
 ita sint, dilecti filii, commoveri nullo mo-
 do debetis, si quibus forte minacibus man-
 datis, aliisque nonnullorum opera excogi-
 tatis, proposuisset ad extorquendum assen-
 sum vestrum mediis persentiatis vos urgeri

174 De primariis Precibus Imperialibus
ad exequendas similes Preces vobis dire-
ctas, quatenus is, qui per eas commenda-
tur, obtineat, adherentibus vobis, Ca-
nonicatum istius Ecclesie, cujus vacatio
per obitum quondam Ferdinandi Wilhelmi
in mense nobis vigore eorundem Concorda-
torum reservato, contigisse dignoscitur.
Neque hic opus esse credimus vobis com-
memorare, quam vos deceat talem ani-
mum hac occasione preferre, qualem in
asserenda canonicarum electionum libertate
multi prestantes Ecclesie viri, ac Pras-
ules, magna sui nominis laude prebuere;
insuper quam prestat in huiusmodi casibus
vim potius perpeti, quam, reclamante
conscientia, quidquam veluti sponte ad-
mittere, cum certe satius sit Prebendam,
vobis invitis, vi occupari (quod tamen
metuendum modo non videtur), quam per
electionem, aut collationem, ut cunque nul-
liter factam, speciem quandam ultronei as-
sensus prebere, cum intrusio commendati,
juribus Ecclesie vestrae in posterum minimè
obesse queat, non parum autem ea ledere
possit si qua à vobis ejusdem personae facta
videatur electio, à qua non levia scanda-
la orirentur, praesertim verò ob deterri-
mum exemplum, quod aliis similia ad-
mittendi his, & futuris temporibus propo-
neretur. Accedit periculum, quod vi
huiusmodi Precum perperam electus incur-

reret non faciendi fructus suos, ac irritandi omnes actus Capitulares, ac propterea, adveniente casu, ipsius etiam Episcopi electionem, quibus ipse interesset, ac suffragaretur. Sed ubi hac, non sane praeferenda, ommitterentur, quis vestrum non intelligit, electionem, quam commendatus, seu, ut vocant, Precista, de se fieri à vobis postulat, esse huiusmodi, ut facultatis vestra terminos, quam longe excedat; nam praeferquam sacrorum Canonum, ac etiam Concordatorum dispositioni adversatur, ipsarum quoque Imperialium Precum (si haec attendi deberent, qua secluso Apostolico indulto non debent) tenorem praetergreditur; harum enim Precum serie à vobis exquiritur, ut Præbendam primò vacaturam, cuius dispositio ad vos pertineat, ipsi commendato conferatis. Verum cum ejus, de qua agitur dispositio ob vacationem in mense nobis reservato sequutam ad nos manifeste spectet, palam est non licere vobis aliena, nostra verò præferim, attingere, neque huc referri posse Preces, Imperiali Diplomate contentas. Serio itaque perpendite, quibus finibus potestas vestra coerceatur, ac frustra interim apud vos contendant, qui ingerere vobis curant ledendi Caesaris metum, quo adigi non possunt Ecclesie viri ad deserendam justitiam, & ad prodendam veritatem. Neque enim

176 De primariis Precibus Imperialibus
id à vobis postulat, qua est aequitate, cha-
rissimus in Christo filius noster Josephus in
Romanorum Imperatorem electus; in pri-
mis autem cavete ne quid attentetis adver-
sus oblatas vobis Apostolicæ provisionis literas,
quas favore dilecti filii Hugonis Francisci de
Furstemberg expediri mandavimus, ne videamini
velle nosira, & Apostolicæ Sedis jura ag-
gredi: quod quidem vos Ecclesiæ pœnis longe
gravioribus redderet obnoxios. Sed aliter pro-
sus de perspecta nobis pietate vestra sentimus,
immò vos curaturos esse confidimus Pontificiam
vobis charitatem ampliori adhuc magis filialis
vestri studii significatione demereri. Apostoli-
cam interim benedictionem vobis, dilecti filii,
peramanter impertimur. Datum Romæ &c.
die sexta Martii 1706. &c.

LXXVI. Poteratne Sanctissimus, & Doctissimus Pa-
pa clarius exprimere mentem suam hujusce-
modi Precibus contrariam? Poterat elegantius
brevi compendio eas Preces sacris Canonibus
adversas declarare, pœnas in Precistas infli-
ctas referre, & Capitulorum, atque Ordina-
riorum, qui Precibus jam dictis sine suo indul-
to parerent, pericula recitare? Profecto res
ista declaratione Pontificia definita est, & sic
nulla amplius superest excusatio. Quare arbi-
tror Augustissimum Imperatorem, Principem
alioquin verè catholicum, & fidelem Ecclesiæ
Romanæ filium, ea qua fulget christiana pie-
tate, & Religionis nostræ zelo, id indultum à
Sanctissimo CLEMENTE XI. postulatu-
rum, seseque in actu confirmationis suæ ele-
ctionis devoturum Ecclesiæ Romanæ Advo-
catum, quemadmodum tot præclarissimos
Cæsares majores, & prædecessores ejus fe-
cisse narravimus.